

Date – 12/05/2026  
Time - 7:30 -7:40 Hrs  
AKASHVANI AIZAWL

## REGIONAL NEWS BULLETIN

### HEADLINES (MORNING)

1. Union Minister of State for Law & Justice Shri Arjun Ram Meghwal chuan Mamit tlawhin Sawrkar department hotute nen department hmalakna an thlir ho.
2. Health Minister Pi Lalrinpuii'n sawrkar damdawiin hrang hrang thuam that anih avangin MUHCS hmang tangkai tam tak damlo an awm a ti a, damdawiin chu thuam that zel ani dawn tih a sawi.
3. Prime Minister Narendra Modia chuan ramchhung mipuite chu inlunguala nitin mamawh thilte renchem taka hmang turin a ngen.
4. Sawrkar laipui chuan ramchhungah petrol chhekkhawl sa a tam tawk tih a sawi.

<><><>

### UNION MINISTER OF STATE

Union Minister of State for Law & Justice Shri Arjun Ram Meghwal chuan Mamit tlawhin Sawrkar department hotute nen department hmalakna an thlir ho.

Union Minister chuan Mamit district chu Sawrkar Laipuiin Aspirational district-a a puan chhan hriat a tul thu sawiin district hmasawn leh changkang zawk a nih theih nan hmalak zel a ngaih thu a sawi a. Central sector leh Centrally Sponsored Schemes Department-in a kalpui te thlir hoin department hotute chuan Sawrkar Laipuiina a chhawpchuah hamthatna hrang hrang chu a dawngtu tur mipuite hnena a thlen ngei theih nan mipui hrihriat a tul thu sawiin harsatna department in an tawhte leh an hmachhawp te chu Sawrkar Laipuiin theihtawpa hmalak pui a tum thu a sawi bawk.

Nimina hun hmanah hian department hrang hrang hnuaiia central leh centrally sponsored schemes kalpui te thlir ho niin Mamit distirct hmasawn nan leh mipuite lo than zel nan theihtawpa hmalak zel a tul a tarlang.

Union Minister hian Sawrkar department hotute pawh kawmin an hmalakna te hrihlin hmasawn theih dan sawi ho a ni a, District Court leh District Jail a tlawh bawk.

<><><>

## CM & DoNER SECRETARY

Chief Minister Pu Lalduhoma'n DoNER Secretary Pu Sanjay Jaju nen an inkawmna ah Mizorama sawhthing chingtute hmasawmna tur hrang hranga hmalakna awm chu lawmawm atih thu a sawi.

Pu Lalduhoma hian Sustainable Cultivation of Mizo Ginder USP NEC fund tur approved a nih avangin Secretary hnenah hian lawmthu a sawi a. Mizoramin sawhthing a thar te chu tha tak anih avangin NITI Aayog chuan Ginger Capital of India-ah a puang tih sawiin fund chu sawhthing chingtute tan a tangkai hle dawn tih a sawi.

Chief Minister hian 10% GBS mumal zawk leh langlang zawka kalpui a nih theih nana hmalak a tul thu a lo hrih a. DoNER Secretary hian lo enzui a tiam a, Thenzawl Golf Resort tihchangtlunna atan private investor te an luh theihna tura hma lak a tum thu Chief Minister hi a hrih bawk.

<><><>

## DoNER SECRETARY VISITS THENZAWL

Ministry of Development of North Eastern Region (M-DoNER) Secretary Sanjay Jaju chuan nimin khan Thenzawl tlawhin project pawimawh hrang hrang kalpui mekte a hmunah a enfiah.

Secretary hian Thenzawl Peace City (Greenfield City development) hmun te, Khankawn atanga Rongura Hmun inkar kawng siam mek leh Thenzawl-a Heliports/Helipads dinna tur hmunte a tlawh a, heng hmunte a tlawh zawh hian Thenzawl Golf Course-ah Review Meeting nei leh niin project proposal tharte leh M-DoNER hnuaiia project kalpui mekte hmasawn dan thlir ho a ni.

Nimina hun hmanna-ah hian Pu Sanjay Jaju hi Aizawl atangin Department hrang hrang hotu liante - Planning, UD&PA, Horticulture, PWD, Tourism department te bakah Serchhip District Deputy Commissioner leh Superintendent of Police ten an tawiawm a ni.

<><><>

## HEALTH MINISTER

Health Minister Pi Lalrinpuii'n sawrkar damdawiin hrang hrang thuam that anih avangin MUHCS hmanng tangkai tam tak damlo an awm a ti a, damdawiin chu thuam that zel ani dawn tih a sawi.

Nimina HPC Office-a Women Iconic Award 2025 a dawn lawmpuina hunah he thu hi sawiin Pi Lalrinpuii chuan sorkar damdawiin thuamthat avangin MUHCS hnuaiiah damlo 70% te chu sorkar damdawiinah tha taka enkawl an ni a, MUHCS

hnuaiia damlo inenkalwna senso 36% chu Sorkar damdawiin bill a ni thung tih sawiin Sorkar chuan sum tam tak a hum tih a sawi.

Minister chuan MUHCS avangin damdawiin hrang hrang tih changtlun nan Rs Vbc 17 chuang sorkar in a seng a ti a, Hospital Pharmacy chungchangah thudik tawh lo vawrh lar mek a ni tih sawiin Damdawi man tih tlawm nan a Hospital Pharmacy chu kalpui zawk anni tih a sawi.

<><><>

## BUKVANNEI

Nimina thli leh ruah thawk chuan Bukvannei khua ah Zirna in, mimal in leh Community Hall a tichhia.

Kolasib-a kan Correspondent hnen atanga thudawn danin Bukvannei Primary School-a Class V leh Class VI leh Class VII chung a tichhia a, Bukvannei Community Hall chung hman tlak loh in a tih chhiat bakah mimal Pu Munda te chenna In chung tlem a khawih chhe tel bawh.

<><><>

## WEATHER

Aizawl leh Lengpui chu a lum lai berin celsius degree 30 a ni a, Aizawlah hian a vawh lai berin Celsius degree 17 a ni.

Aizawl ah tih tham ruah a sur lova, Lengpui chuan 13.4 mm vel a tla a, ni 3 lo kal tur chung hian Aizawl, Mamit leh Kolasib bakah Chjamphai Dist hmun thenkhatah ah te ruahsur thei reng a ni a, thli leh tek te nen a thawh theih avangin mipuite fimkhur turin Indian Meteorological Dept Aizawl Director Pu Sudheer Kumar Dwivedi an a sawi a ni.

<><><>

## BLOOD DONATION

Champhaia General Nursing and Midwifery school of Nursing Champhai zirlai ten Champhai District hospital Blood Bank ah vawiin khan a thlawnin thisen unit 26 an pe a, thisen petute hi mipa 4 leh hmeichhia 22 an ni.

International Nurses week Nurses week an hman mek pualin thisen hi an pe a, kar kalta khan Free clinic an lo huaihawt tawh bawh a ni.

<><><>

## AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

## TERRITORIAL ARMY

Tunhnaia Mizo thalai 144 te 166th Infantry Batallion, Territorial Army (Home & Hearth) Assam a tang tura lak thar batch hmasa ber te thlahna hun nimin khan Assembly Annexe Building ah Chief Minister Pu Lalduhoma hovin hman a ni.

Chief Minister chuan Territorial Army chu a awm tih pawh tunhmain a lo la hriat ngai loh thu leh, hriat a nih rualin central sorkar thuneitute hnenah Mizo Battalion pe ve turin an dil nghal a. A tirah mi 70 lak phalsak an ni a, a taka lak anih hmain an dil belh leh a, mi 144 lak phalsak a ni ta tih a sawi a. A dang lak belhna tur hmalakna an buaipui leh mek bawh tih a sawi.

Chief Minister chuan, Mizo thalai, a tam thei ang ber lut se, eizawna a nih piah lamah ram venhimna hna a ni a, a zahawm a, nunkawng kaihruaitu tha a ni a, thahnem ngaih ana hle a ti a, vawiina training tura vailiam tak thalai mi 144 te chu hmahruaitu, Mizo thalaite hmelhmang tilangtu tur an nih avangin theihtawp chhuah turin beisei an ni a, an kalna apiangah zo nun ze mawi tak takte lantir zelin, ram leh hnam timawitu nih tum tlat turin a chah a ni.

Home Minister Pu K.Sapdanga pawhin thusawiin, Territorial Army hian thiamna leh sipai discipline tha a keng dun a, zahawmna leh hmingthanna a thlen theih bakah nungchang siamthatnate a keng a. A tha em em a ni, a ti a. He hnaa tling tharte lawmpuiin theihtawp chhuah zui tur leh an mawhphurhnate hlen ngei turin a chah a. Training laia an lo hnual deuh a nih pawhin, 'Kawng bumboh leh harsa hian hmun mawi takah min hruai thin a ni,' tih hre reng turin a chah a ni.



## MIZORAM POLICE YEAR OF DISCIPLINE

Mizoram Police chuan kum 2026–2027 “Year of Discipline” atan hmangin, vawiin khan Mizoram chhunga an unit hrang hrang ten anmahni hmun theuhah hemi pual hun urhsun tak buatsaihin a takin an hmang tan.

“Year of Discipline” hi Mizoram Police Fitness Improvement Programme hnuaia kalpui mek, “Train to Excel” tihchangtlunna leh chhunzawmna a ni a. Mizoram Police Fitness Improvement Programme hi kum khat aia rei kalpui a lo ni tawh a ni. Mizoram Police mi leh sa ten taksa, rilru leh thlarau lam thlenga hriselna tha an neih theihna tur leh tha leh zuala hna an hlen chhuah theihna tur a nih beiseiin he ruahmanna hi Home Minister kaihruainaa duan chhuah a ni.

Kumpulan, “Year of Discipline” hi Mizoram Police awmna hmun hrang hrangah urhsun taka kalpui tur niin, a lal ber atanga a rank hniam ber thlengin tha taka zawm tur a ni a. Mizoram Police chuan ram chhunga dan leh hrai kenkawh kawngah rintlak leh hlawhtling zawka rawngbawl an tum a ni.



## PM

Prime Minister Narendra Modia chuan ramchhung mipuite chu inlunguala nitin mamawh thilte renchem taka hmang turin a ngen. Nimina Gujarat-a Vadodara-ah he thu hi sawiin Pu Modia chuan tunhnaia West Asia buaina thleng mek chu tun kum 10 chhunga khawvelin harsatna a tawh lian ber a ni a ti a. Pu Modia chuan mipuiten buaina liantham an tawh loh nan theihtawp a chhuah thu a sawi a. Rawtna a siam pasarih tarlangin veivah nana tuialhthei hmang tlem a inlama hnathawh uar turte, rampawna zinhhuah rih lohte, tualchhung thil siam chhuah hmang uar turte in

mipuite a chah a. Mahni tharchhuah huan thlai ei uar tura chahin tul loa rangkachak leite ti rihlo turin mipuite a chah bawk a ni.

<><><>

#### INTERMINISTERIAL MEETING

Sawrkar laipui chuan ramchhungah petrol chhekkhawl sa a tam tawk tih a sawi. Nimina Defence Minister hova Informal Group of Ministers on West Asia New Delhi-a neihah he thu hi tarlan niin tun dinhmunah India chuan ni 60 daih tuialhthei thlitfimloh, Natural gas ni 60 daih leh LPG ni 45 daih a awm thu tarlan a ni a. He thutkhawmah hian tunhnaia West Asia buaina in nghawng a neih te sawiho a ni a. Ramchhung mipuite induna nghawng an tawrh nat loh dan tur ber sawrkar chuan a ngaihtuah a. Sawrkar chuan mipuite chia i lo tur leh bungrua chhekkhawl a mamawh aia tam lei lo turin a chah a ni. Inhmukhawmah hian Union Minister JP Nadda, Ashwini Vaishnaw, Hardeep Singh Puri, Kiren Rijiju, K Rammohan Naidu, Sarbananda Sonowal leh Dr. Jitendra Singh te pawh an tel a ni.

<><><>

#### ASSAM CM

Vawiinah Assam Chief Minister atan BJP hruaitu Himanta Biswa Sarma lakluh a ni dawn. Lakluh inkhawm hi Guwahati ah neih a ni dawna. Tun tum hi NDA-in Assam-ah a zawna sawrkar an siam vawi thumna tur a ni a. Pu Sarma sawidanin vawiin lakluh inkhawmah hian Prime minister Narendra Modi, Union Home minister Amit Shah, Defence minister Rajnath Singh leh BJP national President Nitin Nabin te pawh an tel dawn a ni.

<><><>